

TECHNOLEGAU IAITH A LLEFERYDD || SPEECH AND LANGUAGE TECHNOLOGIES



LANSIO CYLCH DIDORDEB ARBENNIG SALT CYMRU

Rod Webster (WEFO), Gruffudd Prys (Uned Technolegau Iaith), Ieuan Wyn Jones AC, Dewi Bryn Jones (UTI), Beth Prys (UTI), Sian Hope (Prifysgol Bangor), Llion Jones (Canolfan Bedwyr)

Lansiwyd y Cylch Diddordeb Arbennig SALT (Speech and Language Technologies Cymru) yn swyddogol ar Fawrth yr 20fed gan Ieuan Wyn Jones, Y Dirprwy Brif Weinidiog a'r Gweinidog dros Economi a Thrafnidiaeth. Mae'r cylch yn gweithredu fel llwyfan i ddod â'r carfannau yn Academia a Diwydiant Cymru sy'n rhannu diddordeb mewn defnyddio a datblygu Technolegau Iaith a Lleferydd (SALT) ynghyd.

Wrth annerch cynulleidfia o fusnesau Cymreig ac Academyddion, dywedodd Ieuan Wyn Jones "gall economi Cymru elwa'n fawr o'r project hwn drwy gymhwyso'r gwersi a ddysgwyd yng nghyd-destun dwyieithog Cymru i'r sefyllfa amlieithog fyd-eang."

UCHAFBWyNTIAU'R LANSIO



semantise
WORKING WITH YOU

Cyflwynodd **Dr Oggy East** (chwith) waith Semantise, cwmni sy'n arbenigo mewn rheoli data cyrrff addysgiadol mewn modd effeithlon. Disgrifiodd sut yr oedd KTP mewn cydweithrediad â Uned Technolegau Iaith Prifysgol Bangor (UTI) wedi caniatáu i'r cwmni dderbyn cyllid tuag at gyflogi unigolyn graddedig i deilwra eu cynnyrch i'r farchnad yng Nghymru, gan baratoi'r ffordd ar gyfer cefnogi amlieithrwydd o fewn eu meddalwedd er mwyn eu galluogi i allforio'u cynnyrch i farchnadoedd rhyngwladol.

>> www.semantise.com



Dr Richard Sheppard (chwith) yw prif weithredwr Draig Technologies, cwmni sy'n darparu gwasanaethau meddalwedd yng Nghymru ac yn y Deyrnas Unedig, gan gynnwys datrysiadau Sharepoint a meddalwedd amlieithog. Cydweithiodd gyda'r UTI ar y Canllawiau Meddalwedd Dwyieithog ar gyfer Bwrdd yr Iaith Gymraeg, gan weithio hefyd ar fersiynau Cymraeg o gynnyrch Microsoft, a rhannodd o'i brofiadau o ddatblygu meddalwedd amlieithog, gan amlinellu rhai o'r heriau a wynebir wrth farchnata meddalwedd o'r fath yng Nghymru.

>> www.draig.co.uk

Oeddech chi'n gwybod? Yn 2007 cydnabuwyd Prifysgol Bangor fel un o'r goreuon yn y Deyrnas Unedig am feithrin partneriaethau llwyddiannus â busnes yng ngwobrwyon y KTP Awards 07.

// SEMINAR MEHEFIN

**Ymarfer Gorau mewn
Dulliau Dewis Iaith ar gyfer
Gwefannau Dwyieithog
Cymru**

**IWAN STANDLEY (BBC)
GRUFFUDD PRYS (LTU)**

2pm, Mehefin 12,
Canolfan Rheolaeth Busnes
Prifysgol Bangor

BETH YW KTP?

Partneriaethau rhwng sefydliadau academaidd a busnesau yw Knowledge Transfer Partnerships. Mae cwmnïau'n elwa o wasanaeth wedi'i ranol gyllido gan gysylltai sy'n cyflawni project penodol i'r cwmni dan arolygaeth goruchwyliwr academaidd.